

**COFNODION O GYFARFOD CYNGOR CYMUNED HARLECH A GYNHALIWIYD YN YR HEN LYFRGELL, HARLECH AM
7.30 O'R GLOCH 02.09.24**

YMDDIHEURIADAU

Cyng. Tegid John (Is-Gadeirydd), Gordon Howie

PRESENNOL

Cyng. Christopher Braithwaite (Cadeirydd), Edwina Evans, Ceri Griffiths, Rhian Corps, Martin Hughes, Giles Bentham, Reg Chapman, James Maxwell, Wendy Williams, a'r Cyng. Annwen Hughes a Gwynfor Owen (Cyngor Gwynedd).

'Roedd 7 aelod o'r cyhoedd yn bresennol ar gychwyn y cyfarfod.

CYHOEDDIADAU Y CADEIRYDD

Datganodd y Cadeirydd bod mis Awst wedi bod yn weddol dawel ond ei fod yn teimlo'n siomedig hefo ymddygiad rhai o Aelodau o amgylch y bwrdd a ddim yn cael y gefnogaeth mae ei angen yn y Cyngor nag y tu allan i'r Cyngor.

COFNODION

Derbyniwyd cofnodion o gyfarfod Gorffennaf 1af 2024 fel rhai cywir.

MATERION YN CODI O'R COFNODION

Cafwyd wybod bod ddim manylion wedi ei dderbyn gan Un Llais Cymru ynglyn a chyflogaeth y Clerc na Lee Warwick.

DATGAN BUDDIANT

Nid oedd yr un Aelod yn datgan buddiant ar unrhyw fater.

MATERION CYNGOR GWYNEDD

Fe dderbyniwyd yr adroddiad canlynol gan y Cyng. Annwen Hughes ar Cyng. Gwynfor Owen – Adroddodd y Cyng. Annwen Hughes ers y cyfarfod diwethaf ei bod wedi cael sawl cwyn bod y biniau ysbwriel lawr ger maes parcio Min y Don yn llawn ag wedi ei reportio oeddynt wedi cael eu gwagio yn syth, cwynion am or-yrro ar hyd Ffordd Morfa a wedi gadael l'r Heddlu Lleol wybod am hyn, cwynion gan ymwelwyr eu bod wedi derbyn ticed parcio oherwydd nid oeddynt wedi parcio o fewn y lle parcio iawn yn maes parcio Bron y Graig uchaf ond ar hyd yr ochor. Wedi derbyn e-bost gan berchennog Caffi Llew Glas yn datgan bod un o'r Cynghorwyr Cymuned wedi bod yn hoffi sylwadau negyddol ar "tripadvisor" ynglyn ar caffi ag 'roeddynt yn disgwyl cynrychiolaeth teg a diduedd gan Gynghorwyr ag yn gofyn i hyn ddod i ben neu byddant yn gorfod mynd ar mater ymhellach.

Adroddodd y Cyng. Gwynfor Owen ei fod heb dderbyn ddim cwyn am y lan mor tan nawr oherwydd bod rhywun wedi torri'r ffens er mwyn cael mynediad l'r darn caled ag 'roedd wedi pasio hyn ymlaen l'r adran perthnasol o Gyngor Gwynedd. 'Roedd nawr gyfnod o dorriadau ag hefyd torriadau yn yr Awdurdod Tan ag 'roedd yn falch o gael bod yn bresennol yn y digwyddiad pan oedd Llion Kerry yn pasio allan fel dyffoddwr tan. 'Roedd wedi cael cyfarfod yn maes parcio Bron y Graig Uchaf gyda Swyddog o Gyngor Gwynedd a oedd yn datgan bod yn bosib creu 3 lle ychwanegol ag hefyd bod yn bosib gwneud newidiadau i faes parcio Min y Don ag 'roedd eisiau gwybod barn yr Aelodau ynglyn a hyn a cytunwyd rhoid y mater ar agenda mis nesa. 'Roedd wedi ysgrifennu at y Gweinidog dros chwaraeon a CADW ond oedd y Gweinidog wedi newid erbyn hyn.

MATERION YN CODI

Cynllun Cyllideb

Adroddwyd bod £15,164.14 (a oedd yn cynnwys costau banc) wedi cael ei wario ers cychwyn y flwyddyn ariannol newydd a bod hyn yn £37,345.21 o wariant yn llai na oedd wedi cael ei glustnodi yn y gyllideb am y flwyddyn. (Mae hyn ar ol i'r gyllideb gael ei ail wneud).

HAL

'Roedd yr Aelodau yn gytun i'r Rheolau Sefydlog gael eu atal er mwyn i Mr. Simon Dawson, un o gyfarwyddwyr Bwrdd HAL gael annerch y Cyngor.

Datganodd Mr. Dawson bod y ganolfan wedi cau ers y 1af o Awst oherwydd problemau ariannol. 'Roedd y safle ar agor ers 2010 ag 'roedd eisiau cymeryd y cyfle i ddiolch i bob Cyngor Cymuned am eu cefnogaeth ar hyd y blynyddoedd. Mae y staff erbyn hyn i gyd wedi cael eu diswyddo. Mae dal costau angen eu talu ers i'r ganolfan gau ag yn gofyn os byddai y Cyngor Cymuned yn dal i gefnogi HAL nes byddant wedi penderfynnu beth yw y gorau i'r ganolfan. Maen't wedi gwerthu rhai asedau yn barod er mwyn cael cadw'n solvent ag yn datgan bod penderfyniad y

Cyngor Cymuned yn anfodol er mwyn dyfodol y ganolfan. Diolchodd y Cyng. Gwynfor Owen i aelodau y Bwrdd am eu gwaith ar hyd y blynyddoedd ag 'roedd ddim eisiau gweld y cwmni yn mynd yn fethdalwyr, neb cyhoeddus yn mynd i gymeryd y safle ymlaen ag yr oedd wedi cael trafodaethau gyda adran eiddo ar adran economy o Gyngor Gwynedd a byddai Cyngor Gwynedd yn gallu ei gael yn nol am £1. Y brys ydi stopio y cwmni fynd yn fethdalwyr. Cafwyd pleidlais ynglyn a cario ymlaen i gyfranu y taliad precept i HAL a cytunwyd 8 Aelod i dalu y taliadau precept am Awst a Medi ag atalodd y Cadeirydd ei bleidlais. Cytunwyd i adolygu y taliad am mis Hydref yng nghyfarfod nesa y Cyngor.

Seddii Cyhoeddus

Adroddodd y Cyng. Wendy Williams ei bod wedi derbyn lluniau o seddi wedi cael eu gwneud o ddeunydd ail gylchu gan y Cyng. Reg Chapman ag hefyd rhestr o'r seddi sydd yn yr ardal gan y Cyng. James Maxwell. Cytunwyd bod y Cyng. Williams yn gofyn am bris i beintio y seddi oedd eu hangen ag hefyd pris i archebu un neu ddwy o seddi. Cytunwyd bod y Cyng. Reg Chapman yn cael prisiau am net a wiren ar gyfer y cwrt tenis.

Goleuadau Nadolig

Cafwyd wybod bod y goleuadau ar gael a cytunwyd talu yr anfoneb am £1,000 amdanynt a cytunodd y Cyng. Reg Chapman gael pris i storio y goleuadau hyn.

Cyfeillion Ellis Wynne

Adroddodd y Cadeirydd bod y cyfarfod â'r uchod ynghyd â Chyngor Gwynedd wedi ei drefnu ar gyfer yr 17eg o'r mis yma a datganodd y Cadeirydd bod y Cyfeillion yn gofyn a fyddai y Cyngor yn fodlon talu hanner y gost am gyfieithydd a cytunwyd gofyn iddynt beth fyddai y gost hon cyn gwneud penderfyniad.

Cofrestr Asedau

Adroddodd y Clerc ei bod wedi anfon copi o'r uchod i bob Aelod yn barod. Cytunwyd i'w roi ar agenda mis nesa ag hefyd cael gwerth insiwrans yr asedau.

Rhandiroedd

Nawr bod y tymor nythu wedi dod i ben cytunwyd gofyn i Mr. Danny Trahearn a fyddai'n bosib iddo gychwyn ar y gwaith ar y safle uchod ag ei fod yn cysylltu gyda'r Cyng. Giles Bentham ynglyn a hyn.

Cynllun Rheolaeth Llwybr Natur

Adroddodd y Cyng. James Maxwell ei fod wedi tynnu y cynllun uchod allan 12 mlynedd yn nol. Cytunwyd bod angen archwiliad o'r coed gael ei gario allan ag hefyd bod yr is-bwyllgor yn cyfarfod i drafod y ffordd ymlaen.

Ethol Cynghorydd

Adroddodd y Clerc bod rhybudd wedi cael ei roi i fyny ar y ddau hysbysfwrdd a gwefan y Cyngor yn hysbysebu y sedd wag sydd yn bodoli ar y Cyngor a bydd y rhybudd hwn yn dod i ben ar y 9ed o'r mis hwn. Datganodd y Cadeirydd ei fod wedi derbyn e-bost gan y Cyng. Tegid John yn hysbysebu y Cyngor ei fod yn ymddiswyddo o fod yn aelod a gofynnwyd i'r Clerc anfon llythyr o ddiolch iddo ag anfon yr e-bost ymlaen i'r Swyddog Etholiadol yn Gaernarfon. Datganwyd siom gan rhai o'r Aelodau bod aelod ifanc, gweithgar arall wedi penderfynnu ymddiswyddo.

Toiledau cyhoeddus ger Neuadd Goffa

Adroddodd y Cadeirydd ei fod wedi derbyn pris gan Mr. Geraint Jones am uwchraddio y goleuadau yn y toiledau uchod a cytunwyd bod yr e-bost ynglyn a hyn yn cael ei anfon ymlaen i bob aelod.

Cynllun hyfforddiant y Cyngor

Oherwydd bod ddim digon o amser i drafod y mater uchod heno, bod y mater yn cael ei symud i agenda mis nesa.

Gwefan y Cyngor

Cytunodd y Cyng. Giles Bentham gysylltu gyda Mrs Kim Howie i gynnig helpu gyda'r wefan uchod.

Rheolau Ariannol

Oherwydd bod ddim digon o amser i drafod y mater uchod heno, bod y mater yn cael ei symud i agenda mis nesa.

Gwahanol Adroddiadau

Oherwydd bod ddim digon o amser i drafod y mater uchod heno, bod y mater yn cael ei symud i agenda mis nesa.

Cyfieithydd

Oherwydd bod ddim digon o amser i drafod y mater uchod heno, bod y mater yn cael ei symud i agenda mis nesa.

Mynediad o bell yng nghyfarfodydd y Cyngor

Oherwydd bod ddim digon o amser i drafod y mater uchod heno, bod y mater yn cael ei symud i agenda mis nesa.

CEISIADAU CYNLLUNIO

Amrywio Amodau 2 (Cynlluniau a manylion a gymeradwywyd), 3 (Lleihau nifer y tai o 20 i 19), 4 (Deunydd to) & 6 (Panel gwaith gerrig) ynghlwm i Ganiatâd Cynllunio NP5/61/654 dyddiedig 23/04/2024 Tir ger Pen yr Hwylfa, Harlech (NP5/61/654A)

Cefnogi y cais hwn.

Gosod pwmp gwres ffynhonell aer allanol 5 Pen-y-Graig, Harlech (NP5/61/667)

Cefnogi y cais hwn.

Newid defnydd siopau ar y llawr gwaelod yn fwyty Castle Court & Gwynfa, Stryd Fawr, Harlech (NP5/61/123E)

Cefnogi y cais hwn.

ADRODDIAD Y SWYDDOG ARIANNOL CYFRIFOL

Adroddodd y Swyddog Ariannol Cyfrifol bod £45,279.53 yn y cyfrif rhedegol a £102,975.29 yn y cyfrif cadw.

Taliadau yn ystod y mis

Mrs Kim Howie	- £51.98 - taliad misol am gynnal gwefan y Cyngor (Awst a Medi)
Cyngor Gwynedd	- £10,000.00 – cyfraniad I gadw toiledau cyhoeddus yn agored
Cyngor Gwynedd	- £336.00 - archwiliad Mewnol 2023/24
Dwr Cymru	- £461.64 - dwr i doiledau cyhoeddus ger y neuadd goffa
Dwr Cymru	- £28.14 - tap dwr y rhandiroedd
Mr. Chris Braithwaite	- £102.98 - papur toilet l'r toiledau cyhoeddus ger y neuadd goffa
Mr. Geraint Williams	- £1,000.00 – goleuadau nadolig
Japanese Knotweed Removal Wales	- £155.00 – trin clymog Japan ar llwybr natur Bron y Graig
MAS Seeds Ltd	- £67.43 - planhigion i'r ardd gymunedol blodau gwyllt
Vera Blue Bell	- £35.00 - planhigion l'r ardd gymunedol blodau gwyllt
Celtic Wildflowers	- £250.80 - planhigion l'r ardd gymunedol blodau gwyllt
J. Parker Dutch Bulbs	- £109.74 - planhigion l'r ardd gymunedol blodau gwyllt
Un Llais Cymru	- £40.00 - hyfforddiant Cyngorwr
Mr. G. J. Williams	- £352.00 - torri gwair cae Brenin Sior ar cae pel droed x 2
Mr. Lee Warwick	- £519.46 - glanhau y toiledau ger y neuadd goffa x 4
Mrs Annwen Hughes	- £882.00 cyflog a £570.60 costau 6 mis = £1,452.60

Ceisiadau am gymorth ariannol

Hamdden Harlech ac Ardudwy - £3,649.50 – cynnig precept (taliad misol) x 2

Fe gafodd y taliadau uchod eu prosesu gan y Cyng. Edwina Evans a wnaeth y Cyng. Ceri Griffiths gymeradwyo'r taliadau ag fe roddwyd ganiatâd l'r Clerc/Trysorydd l'w talu ar lein neu drwy siec ar ddiwedd y cyfarfod.

Derbyniadau yn ystod y mis

Pritchard a Griffiths	- £3,648.00 – claddu y diweddar Mr. Robert Sulwyn Lloyd Williams
Pritchard a Griffiths	- £247.00 – claddu llwch y diweddar Ms Rhian Wyn Roberts
Triathlon Harlech	- £150.00 - llogi cae chwarae Brenin Sior ar gyfer y triathlon
Triathlon Harlech	- £100.00 - cyfraniad i'r Gardd Gymunedol Blodau Gwyllt
Cyngor Gwynedd	- £35,000.00 - hanner y precept

Anfonebau wedi eu talu ers y cyfarfod diwethaf

Catrin Soraya Williams – £165.00 - gwasanaeth cyfieithu

GOHEBIAETH

Always Aim High

Wedi derbyn e-bost gan yr uchod yn gofyn am ganiatad i ddefnyddio cae chwarae Brenin Sior ar gyfer Triathlon Harlech 2025 fel yn y blynyddoedd a fu. Cytunwyd rhoid caniatad a gofyn beth fyddai eu cyfraniad i'r Cyngor am hyn.

Cyngor Gwynedd – Adran Gyfreithiol

Wedi derbyn e-bost gan yr Adran uchod ynglyn a ymgynghoriad sustem pleidlais sengl ag yn datgan bod yna linc i'r ymgynghoriad er mwyn i'r Cyngor ei gwblhau. Adroddodd y Clerc ei bod wedi anfon yr e-bost hwn ymlaen i bob Aelod yn barod. Cytunwyd gan 7 Aelod i gadw y sustem bleidleisio yr un fath ag oedd y Cyng. Martin Hughes yn ffafrio y sustem pleidlais sengl.

Un Llais Cymru

Wedi derbyn e-bost gan yr uchod ynglyn ar gynhadledd flynyddol sydd yn cael ei chynnal ar yr 16eg o fis nesa ar faes y Sioe Frenhinol yn Llanelwedd. Adroddodd y Clerc ei bod wedi anfon yr e-bost hwn ymlaen i bob Aelod yn barod a datganodd y Cyng. Martin Hughes ei fod wedi datgan diddordeb i fynychu y gynhadledd hon yn barod.

ARWYDDWYD.....Cadeirydd

DYDDIAD..... 802